

四書典故辨正

四書典故辨正卷七

溧陽周柄中理衷氏著

三以天下讓

三讓之說、鄭康成謂泰伯託采藥而逃、太王歿而不返、季歷爲喪主、一讓也、季歷赴之、不來奔喪、二讓也、免喪之後、遂斷髮文身、三讓也、吳越春秋、泰伯逃之荊蠻、古公病將卒、令季歷讓國於泰伯、而三讓不受、論衡、泰伯知太王欲立季歷、乃入吳采藥、斷髮文身以隨俗、太王薨、泰伯還、王季避世、泰伯再遜、王季不聽、三遜曰、吾刑

餘之人不可爲宗廟主。王季乃權受之。據此三說。則泰伯之讓。天下共見。何云無得而稱。且逃去與不奔喪。本止一事。而斷髮文身。又與左氏端委以治周禮之文不合。孫盛三讓論已辨之。七經小傳曰。泰伯見季歷既仁。而文武又聖。知天之意。方大啟周室。必有天下。故默焉而逃。是泰伯讓仁人者一。讓聖人者二。此說尤泥而欠通。夫泰伯知文武之當得天下。而陰相付授。是與莽操之設心無異也。而何以爲泰伯乎。後儒怪其說之不經。而偏然反之。以泰伯之讓爲讓商。於是兩說相歧。遂成

衆訟寤嘗反覆思之而讓商之說終有未安夫謂太王有剪商之志而泰伯不從是不欲取商之天下者伯之本心也伯既不欲取商之天下則宜承國於父加之以忠貞若文王之以服事殷焉不惟盡吾之心兼可幹父之盛庶幾君父胥安而忠孝兩無遺憾矣慮不出此而亟亟焉去之是有剪商之志者太王而成其志者伯也克商以有天下者武王周公而使武周得所憑藉以克商者伯之讓爲之也本以讓天下而去而所以取商之天下者因伯之去而其勢益成則其讓商之心終有所

未盡其誠也。而孔子肯稱之爲至德哉。吾故反覆思之。而有未安也。然則讓周是乎。曰。讓只是讓國於弟。非讓周也。歸震川至德論曰。伯夷順其父之志。而以國與弟。然終於叔齊之不敢受。而父之志終不遂矣。夫家人父子之間。豈無幾微見於顏色。必待君終無嫡嗣之日。相與褻裳而去之。異乎無得而稱者矣。古今之讓。未有如泰伯之曲盡其情者。有伯夷之心。而無伯夷之迹。故其德爲不可及。此說最明。蓋父子兄弟之間。一露形迹。即便太王有廢長立少之嫌。季歷有奪嫡干統之咎。雖能

讓而不可謂之至德矣。泰伯之去不於傳位之日而於采藥之時。是以其遜隱微無迹可見。父慈弟友。兩無所傷。故稱之爲至德。其曰以天下讓者。猶云禹授躬稼而有天下。特據已然而言。非泰伯逆知周之將有天下而讓以成之也。

關雎之亂

關雎之亂。蔡虛齋謂樂至此猶盛。舉終以該始。顧麟士謂樂至今樂始盛。關雎之亂。乃是以其最盛者言。汪武曹曰。考之儀禮。鄉飲酒禮。主人樂賓工歌鹿鳴四牡皇

皇者華。所謂升歌三終也。笙奏南陔白華華黍。所謂笙入三終也。間歌魚麗笙由庚歌南有嘉魚笙崇邱歌南山有臺笙由儀。所謂間歌三終也。合樂周南關雎葛覃卷耳召南鵲巢采芣采蘋。所謂合樂三終也。凡此者所謂正歌備者也。燕禮歌笙間合。與鄉飲酒禮同。鄉飲酒禮疏云。主人樂賓之事。其中必有四節之殊。有歌有笙。有間有合。燕禮疏云。正歌者。升歌及笙各三終。間歌三終。合樂三終。爲一備。備亦成也。皆未嘗以合樂爲樂之最盛也。疏云。二南爲卿大夫之正。小雅爲諸侯之正。故

以鄉飲酒禮之升歌小雅爲進取。燕禮之合鄉樂爲下
逮。鄉樂者二南也。彼固謂二南早于小雅也。鄭註云諸
侯相與燕。升歌大雅。合小雅。天子與次國小國之君燕
亦如之。與大國之君燕。升歌頌。合大雅。疏云凡合樂者
退取卑者一節。故歌頌合大雅。此可見合樂之早於升
歌也。又云鄉飲酒禮笙間之樂。與升歌同在小雅。則知
元侯及國君相饗燕。笙間亦同升歌。蓋歌頌則笙間亦
頌。而合大雅。歌大雅則笙間亦大雅。而合小雅。又可見
合樂之早於笙間也。顧氏謂樂至合樂始盛。與註疏之

說正相反矣。且信如顧氏所云。彼鄉射不歌不笙不間。止有合樂。何以獨始奏而卽盛大射升歌鹿鳴。下管新宮。而不間不合。何以獨不及其盛而遽止耶。愚按汪氏此條似是而實非。蓋以詩言則風卑於雅。故鄭氏有進取下逮之說。以樂言則惟合樂之時。歌瑟笙磬一齊俱作聲音。至此始盛。顧說與註疏原不相碍也。至鄉射之不歌不笙不間。註云。志在射。畧於樂也。不畧合樂者。周南召南之風。鄉樂也不可畧其正也。大射之有歌管而不間合。其義亦爾。鄉射止有合樂。而工告備。大射不合。

樂則工不告備。可見樂必至合而始盛。非此則不備也。汪氏乃謂何以始奏而卽盛。何以不及其盛而遽止。尤強辭之失考者。合樂。鄭註謂歌樂與衆聲俱作。賈疏堂上有歌瑟。堂下有笙磬。合奏六詩曰三終者。二南各三終也。禮記鄉飲酒義孔疏云。工歌關雎。笙吹鵲巢。合之。工歌葛覃。笙吹采芣。合之。工歌卷耳。笙吹采蘋。合之。二說不同。萬充宗曰。如賈疏於合樂則是矣。以上文升歌。笙入間歌之。三終例之。則六詩當爲六終。而非三終也。如孔疏于三終則得矣。而關雎與鵲巢。葛覃與采芣。

卷耳與采蘋言乎文詞則多寡殊言乎音節則長短別。且鵲巢采蘋采蘋皆有詞。非笙詩比。雖欲合之。其何以合之。愚謂既云合樂。無歌笙異詩之理。既三終無並用六詩之理。蓋周南召南各自三終。惟其所用。不必同時並奏也。觀上文升歌笙入間歌。皆小雅之詩。而不言小雅。以其篇什有定。不必言也。於合樂獨指言周南召南者。非以或周南或召南。惟所用之乎。愚按鄉飲酒禮。明日息司正。鄉樂惟欲謂二南六篇之中。惟所欲作。不從次也。如萬氏說。則合樂亦惟欲經何以不言。姑從賈疏。

可也。亂字之解不同。鄭註云。周道衰微。鄭衛之音作。正樂廢而失節。魯太師摯議關雎之聲。而首理其亂者。以亂爲素亂之亂。此一說也。史記云。關雎之亂。以爲風始。此是治亂之亂。史遷以關雎爲刺詩。故曰周道缺。詩人本之在席。關雎作。又曰周室衰而關雎作。此魯詩韓詩之說。毛傳未立時。諸儒並相承用。漢書杜欽傳。佩玉晏鳴。關雎歎之。後漢書楊賜傳。康王一朝晏起。關雎見幾而作。列女傳。康王晏出朝。關雎預見。揚子法言。關雎傷始亂。薛君章句。關雎說淑女正容儀。以刺時。如此者。

不一而足。又一說也。朱子以亂爲樂之卒章。此爲確解。而又分二說。樂記復亂以飭歸。孔疏亂治也。謂舞曲終舞者復其行位而整治。則亂爲整治之義。國語那輯之亂。韋昭註曲終乃更變章亂節。故謂之亂。則亂爲變亂之義。按合樂之時。堂上堂下樂器人聲一齊俱作。與前之歌吹分奏不同。謂之亂者。其亦取變亂之義與。

召公奭

註

史記云。召公奭與周同姓。姓姬氏。穀梁傳謂周之分子。燕周謂周之支族。而白虎通以召公爲文王子。皇甫謐

帝王世紀以爲文王庶子王充亦云。召公周公之兄。考春秋傳。富辰稱文之昭十六國。而燕不與。故後人多疑其無據。愚謂古史殘闕。衆說兩岐。則當考之於經。經雖無明文註記。而辭旨顯白。亦可斷之以理。自古貴戚之卿。與異姓異貴戚中同父。又與同姓異伊尹作保衡。伊訓太甲諸篇。俱湯以訓。曰商王曰先王曰俾輔于爾後。嗣曰辟不辟。忝厥祖。曰今王嗣有令緒。曰臣罔以寵利居成功。皆異姓卿之辭氣也。召公誥成王曰。今冲子嗣。則無遺壽考。又曰。有王雖小元子哉。又曰。知今我初服。

又曰我受天命其辭氣與周公之告孺子王如出一口。周公語君夷于文武曰前人于成王曰小子冲子于已與夷曰我二人曰予暨汝其濟曰前人悉命汝其辭氣明明父子兄弟不但同姓而已。然則班氏皇甫氏之說殆其然與。

有婦人焉

婦人孔疏以爲文母。劉原父謂子無臣母之理。婦人蓋邑姜也。王伯厚云論語釋文。予有亂十人。左傳叔孫穆子亦曰武王有亂十人。本無臣字。舊說不必改。愚謂卽

無臣字亦不當以婦人爲文母。據史武王伐紂時年八十餘。是時太姒春秋之高已踰百歲。亦必倦於勤矣。禮舅歿則姑老祭且不與。尙干預嗣君之政爲子婦任內襄耶。任鈞臺曰婦人石經作殷人註殷人謂膠鬲則上接唐虞之際下起以服事殷皆順。朱子未見石經故只從邢本。愚按膠鬲雖文王所舉實是紂臣。故孟子與微箕比干並稱輔相。其後仕周與否石經傳亦無考。當武王伐紂時卽以膠鬲與亂臣十人之數。是膠鬲雖爲紂臣實陰爲武王用。所謂懷二心以事其君者。孟子惡得。

以賢人稱之。考洪适隸釋載漢石經與今本不同者論語殘碑九百餘字而無此句。晁公武取唐太和中石經本及後唐長興中板本參校其文著石經考異論語經文不同者八科亦無此句。顧亭林謂婦人不當與十亂之數疑爲傳寫之譌。亭林好金石文字搜羅考核既博且精而不聞據石經以正此誤未知釣臺所見果係何本。愚蓋不能無疑焉。

蔽晁

註以蔽爲蔽膝此本邢疏毛大可謂蔽膝名蔽非蔽也。

黻文如兩已相背。而一已繡青。一已繡黑。考工記黑與青謂之黻。是也。古章服皆繡黻。黻冕指五服之皆有黻者。非韠黻也。愚按毛氏以黻黻異文。遂生駁難。不知黻與韠通。明堂位有虞氏服韠。夏后氏山。殷火。周龍章。鄭註韠冕服之韠也。韠或作黻。左傳衮冕黻珽。杜註黻韠韠以黻膝也。此黻與韠通之證。明堂位孔疏云。虞氏直以皐爲韠。未有異飾。夏后氏畫之以山。此又禹致美乎黻之證。則黻爲蔽膝無疑矣。至黼文黻紱繡之於裳。亦配冕而言。稱黼冕黻冕。而此經之黻必爲蔽膝者。以黻

是祭服。鄭康成謂他服名韠。祭服名韍。尊祭服特異其名。禹之致美正以祭服故重之也。毛氏之說。知其一未知其二耳。

麻冕

孔注以麻冕爲緇布冠。集註仍之。考儀禮士冠禮。緇布冠缺項。青組纓。屬于缺。緇纁。廣終幅長六尺。士爲初加之冠。冠訖卽不復著。玉藻所謂冠而敝之也。惟庶人則常著之。詩云臺笠緇撮是也。是緇布冠本賤者之服。不得稱冕。而註訓麻冕爲緇布冠者何。按冕制以木爲體。

廣八寸長尺六寸。以緇麻布蒙之爲冕。延延上故亦可。

通稱爲緇布冠。非卽士冠禮之緇布冠。但爲庶人所常

服者也。胡應麟曰。麻冕者。大裘之冕。祭天之冠也。謂

之麻冕者。尊其名。釋之爲緇布冠者。舉其實。緇布冠太

古之冠。無貴賤之分。冠之至質者。祭天尙質。故以服之。

周禮司服掌祭祀六冕六服。以大裘而冕。祀昊天上帝。

居五冕之首。弁師掌五冕。鄭氏曰。冕有六而止。稱五者。

大裘之冕無旒。故不數也。冕本以旒得名。冕而無旒。非

緇布冠而何哉。顧祭祀之冠。悉稱爲冕。况郊天爲諸祭

之首哉。故雖爲緇布之冠。一似大羹元酒。物常而用貴。體質而名大也。愚按此說非是。郊特牲云。郊之祭。王被衾以象天。戴冕璪十有二旒。則天數也。是祭天之冕。明有旒。玉而周禮不言者。蓋服有六。而冕則一。先鄭謂六服同冕是也。祭天之冕無旒。乃鄭賈之臆說。陳氏禮書。葉氏禮經會元。皆已辨之。而胡氏謂卽緇布冠。尤屬杜撰。

拜下

集註臣與君行禮當拜于堂下。君辭之乃升成拜。毛大

可曰此是真禮文而錯引者。禮凡有燕錫君行享賓則臣或下階行謝及君辭之而後升階畢其儀此謝拜非禮拜也。拜者禮拜也。禮拜則君何得辭。臣何得升階以成拜。此雖襲舊註然非是矣。愚按拜禮之見于經者如燕禮聘禮公食禮此毛氏所謂謝拜也。如諸侯覲于天子則禮拜也。覲禮侯氏坐取圭升致命王受之玉侯氏降階再拜稽首擯者延之曰升升成拜乃出是禮拜亦未嘗不升以成之也。毛氏謂禮拜則君不辭臣不升階以成拜求之禮文絕無可據。吾不知其以何等拜爲禮。

拜也。全謝山謂西河每捏造以欺人。信然。

子畏於匡

史記孔子去衛將適陳。過匡。則匡是衛地。路史亦云衛邑。據家語及莊子。則匡是宋地。孔博士注引之。毛西河謂宋衛之匡。陽虎何由暴之。據春秋傳。定六年公侵鄭。取匡。時陽虎帥師。故暴之。後夫子過匡。顏刻亦作克爲僕。刻本虎舊人。且以策指城曰。昔吾入此。由彼缺也。故匡人圍之。則匡實鄭地矣。愚按毛氏所據陽虎暴匡事。甚核。但以匡爲鄭地。雖本杜註。却與史記不合。史記言孔

子去匡卽過蒲。蒲爲今大名府長垣縣治。匡在縣西南十五里。時孔子尙未出衛境。故自蒲仍及乎衛。若鄭之匡則在今開封府洧川縣東北。去蒲甚遠。距陳已近。何得又過蒲反衛耶。然則毛氏所據謬乎。曰不謬。鄭之匡卽衛之匡也。左傳文八年晉使解揚歸匡戚之田于衛。杜註匡本衛邑。中屬鄭。今晉令鄭還衛以此推之。知匡旣還衛後又屬鄭。定六年之所取者鄭地實衛地也。任鈞臺亦以匡爲衛地。謂陽虎暴匡是虎奔晉主趙鞅衛叛晉而晉圍衛時事。按趙鞅屢伐衛。惟哀二年納蒯

賸于戚陽虎從而孔子畏匡。在定十五年。其時不合。當以定六年傳爲據。

太宰

鄭康成、邢叔明皆以太宰爲吳。蓋據左傳哀十二年公會吳于橐皋。吳子使太宰嚭請尋盟。又子貢嘗使吳。知太宰之爲人。今越絕書詳載其語。故鄭邢以爲吳太宰也。洪興祖則以爲宋。蓋據列子仲尼問居篇商太宰見孔子。有孔丘。聖者與之問也。金仁山云。夫子本宋人。雖居魯而娶于宋。又嘗長居宋。是太宰素知其少賤。多能。

之事也。則太宰當屬宋。閻百詩又謂檀弓吳夫差使陳。陳太宰嚭使于師。孔疏謂此陳太宰嚭與吳太宰嚭名號同而人異者。孔子先後兩居陳。識防風氏之骨。專車。辨肅慎氏之柁。長尺。與測桓楹之廟災。皆在陳事。故陳太宰以爲問。註不常遣或陳二字。愚按檀弓此節。鄱陽洪氏謂嚭乃吳夫差之宰。陳遣使者正用行人。則儀乃陳臣也。記禮者簡策差互。更錯其名。當云陳行人儀使於師。夫差使太宰嚭問之。吳草廬禮記纂言從其說。孔疏依經爲訓。恐未足據。

河圖

河圖。河中龍馬負圖。伏羲時出。孔安國云。八卦是也。考
沈約竹書註。及宋書符瑞志。黃帝堯舜禹。皆受河圖。周
公攝政七年。青龍銜元甲之圖。出於河。周公援筆以世
文寫之。是河圖不止於八卦。亦不特伏羲時有之。雖緯
書之言。容有傳會。然孔子與鳳至。並稱固非亘古不再
見之事也。或以顧命天球河圖。共列東序。謂卽球石之
類。此說不然。河圖與大訓對。大訓者。孔傳以爲虞書典
謨。鄭康成以爲先王禮法。乃簡策也。若河圖卽球石之

類則大訓爲琬琰之類矣。夫夷陵石似太極圖。魏張掖柳谷石似卦象。世多有之。而何足爲神物乎。

韞櫝

集註韞藏也。毛大可謂韞櫝皆包物之器。大抵以皮包物曰韞。故從韋。以木包物曰櫝。故從木。陳琳賦山節藻梲。旣櫝且韞。以韞櫝分對兩物也。愚按韞訓爲藏。此木稅旣櫝且韞。以韞櫝分對兩物也。愚按韞訓爲藏。此木古註字書又訓裹訓韞皆與藏同義。並無訓作包物器者。陳賦旣櫝且韞。謂旣櫝之而又藏其櫝耳。非兩物也。毛氏專攻集註。故于此等亦加掊擊。甚無謂。

九夷

漢書地理志東夷天性柔順異於三方之外故孔子悼

道不行設浮于海欲居九夷後漢書東夷傳論同此謂朝鮮九夷

也劉原父七經小傳云九夷蓋在徐州莒魯之間中國

之夷非海外之夷也周末時戎夷與中國雜居仲尼周

流其羈旅之際適偶可居九夷耳非忿懟中國莫能宗

已而去之也呂東萊大事記云史記李斯曰惠王用張

儀之計南取漢中包九夷索隱云屬制鄢郢戰國策張

儀曰楚破南陽九夷內沛許鄢陵危以此考之九夷之

地畧可見方孔子在陳蔡相去蓋不遠也。所以有欲居九夷之言。愚按劉昌二說以九夷爲中國之夷。似于情事較合。逸論語孔子欲居九夷從鳳嬉。此類小說家言。路史採之好奇之過耳。

雅頌得所

或謂樂以詩爲本。周禮大師掌六律六同五聲八音而爲樂。而必教以六詩。曰風雅頌賦比興。瞽矇掌播鼗鼓。柷敔簫管。則必諷訟詩。掌九德六詩之歌。以役于太師。是詩爲樂之本。詩得其所而後樂得其正。此一說也。或

謂正樂之條目多有正其僭者如宮懸不應用于諸侯曲懸不應請于大夫舞佾歌雍皆是也有正其有司之失傳者如大武之聲淫及商是也有正其節奏之紊者如翕純敔繹之條理是也有正其聲而黜之者如鄭衛齊宋四聲以及北鄙殺伐之響是也有正其容者如大武之致左意右是也有正其器者如歌韶必以首山之竹龍門之桐是也有正其名者如大武之樂據伶州鳩語別有四名疑其不可爲據是也而最大者在雅頌之失所則正詩乃正樂中之一事又一說也何義門曰漢

書禮樂志云王官失業雅頌相錯孔子論而定之故曰
吾自衛反魯然後樂正雅頌各得其所固當卽指得所
爲正樂事愚按史記孔子世家以子語魯太師節與此
節連叙爲孔子正樂之事其下古者詩三千餘篇云云
另言正詩之事鄭康成云是時道衰樂廢孔子來還乃
正之故雅頌各得其所先言樂廢而後言得所則以得
所爲正樂中事與史記鄭註合其義尤長不當專以班
志爲據葉少蘊解雅頌得所云季札觀魯樂以小雅
爲周德之衰大雅爲文王之德小雅皆變雅大雅皆正

雅楚莊王言武王克商作頌。以時邁爲首。而武次之。賚
爲第三。桓爲第六。以所作爲先後。以此考之。雅以正變
爲大小。頌以所作爲先後者。詩未刪之序也。論政事之
廢興。而以所陳者爲先後。推功德之形容。而以所告者
爲先後者。刪詩之序也。愚按石林此條。王厚齋極取之。
其論雅之失。所本劉公是七經小傳之說。最爲可據。若
楚莊所述大武之次第。安知非後來所亂。而以爲作頌
時之先後。恐未必然。又考襄四年傳。穆叔不拜肆夏。以
爲是天子所以享元侯。夫肆夏頌也。而天子取以享示。

侯則頌混于雅又不但篇第之倒亂而已也

縕袍

孔註云縕

泉麻也

著邢疏雜用泉麻以著袍何義門謂

是泉麻爲袍著之以絮非也縕是亂麻古人用以著袍

通訓之絮韓詩外傳士褐衣縕著縕著卽泉著也今云

以泉麻爲袍則是泉麻所織之布而縕袍爲縕布之袍

矣麻旣績之以成布豈得復稱縕乎玉藻纁爲繭縕爲

袍鄭註衣有著之異名則縕袍是以泉著而名縕非以

泉布而名縕也

唐棣

爾雅唐棣。移註樹似白楊。江東呼夫移。常棣。棣註郁李也。二物判然。此一說也。陸璣詩草木疏。以唐棣爲萼李。而韓詩序云。夫移燕兄弟也。以常棣爲夫移。與爾雅相反。此又一說也。通雅云。常棣之華。鄂不韡韡。鄂不卽萼。萼惟郁李花連蒂放苞。方與韡韡之稱合。若白楊之夫移。有何花可稱。而曰偏其反乎。此以唐棣常棣爲一物。而夫移非唐棣。又一說也。戴侗六書故云。唐棣常棣棠棣。特一物。猶夫移扶移蒲移之爲一物。唐棠常夫扶蒲。

皆聲相邇。故通用。自爾雅分唐棣常棣爲二。遂啟後誤。又一說也。陸佃埤雅旣分唐棣常棣爲二。謂唐棣之華反而復合。常棣之華上承下覆。甚相親爾。而又引詩疏唐棣莫李之說。則又混矣。諸說不同。當以爾雅爲據。

楊文來曰。偏反句有二解。張子云。唐棣枝類棘枝。隨節屈曲。故其華一偏則一反。因得全體均正。朱子以偏反爲翩翩。言華之搖動也。如張子說。一偏于東。則一反于西。如相背然。則此句是興室遠之意。如朱子說。翩翩搖動。華若有情。以興人豈無情。則興意止到爾思句住。按

角弓之詩曰。翩其反矣。以弓之弛而外反。興兄弟之疏而胥遠也。以此例之。則此詩之偏反。亦當興室遠爲得。恐張子之說。於義較長。愚按張子之說。非以華之東西相背。興下室遠也。張子以此爲常棣篇中語。華之一偏一反。左右相矯。偏喻管蔡失道。反喻周公誅豎。言我豈不思兄弟之愛。以權宜合義。主在遠者爾。此與論語之指全不合。乃穿鑿附會之說耳。朱子以偏反爲華之搖動。自是確解。蓋栻楊葉圓弱蒂。微風大搖。故一名高飛。又曰獨搖樹。則所謂偏其反而者是也。偏反與翩翻古。

字通用易泰卦翩翩不富以其鄰古文作偏偏漢書杜
欽傳安知其不反水漿乎註反讀翻此通用之證故此
詩之偏反與角弓詩不同角弓詩曰翩其反矣是反正
之反故朱子訓翩曰反貌此詩之偏反卽翩翩也乃搖
動之義朱子不以訓角弓者解此詩正以其義各別耳

四書典故辨正卷八

溧陽周柄中理衷氏著

下大夫

諸侯之上大夫卿。司徒司馬司空是也。司徒之下有小宰。小司徒。司馬之下有小司馬。司空之下有小司寇。小司空。所謂下大夫五人也。魯季孫爲司徒。叔孫爲司馬。孟孫爲司空。三家世卿。非他人所能與。孔子仕魯爲司寇。乃司空之屬。亦下大夫也。史記謂孔子由司空爲大司寇。考春秋惟宋有大司寇。而他國無之。當以王制疏

中崔靈恩之說爲正。或謂孔子爲中大夫亦謬。考之禮
天子有中下大夫而無上大夫。上大夫卽卿諸侯有上下大
夫而無中大夫。詳見孟子班爵祿章卿大夫條。

立不中門

門闌之說。賈公彥儀禮疏謂門有東西兩闌而以兩闌
之間爲門中。如兩君相見主君旣出迎賓主君與賓並
入主君於東闌之內賓於西闌之內並行而入上介於
西闌之外上擯於東闌之外皆拂闌。次介次擯皆大夫。
中擯與闌之間末介末擯皆士。各自拂闌。孔穎達玉藻

疏謂門只有一闢而以棖闢之中央爲門中其論兩君相見法主君由門右扉之中賓出門左扉之中上擯在主君之後稍近西而拂闢上介在賓之後稍近東而拂闢大夫擯介各當君後在棖闢之中央二說不同疑賈得之若如孔疏則大夫入門之節各與其君同也惡觀所謂賓入不中門及此經立不中門者乎朱子此註雖主孔說而著儀禮經傳通解仍云二說未知孰是是亦疑而未定矣。

過位

過位之位。古註有以爲臣之朝位者。見曲禮下。卿位孔疏中。此說固不可用。包註云。過君之空位。邢疏謂門屏之間。人君宁立之處。集註因之。說者以爲此外朝之位。卽周禮朝士所掌者。國有大事。致萬民而詢焉。非君所常御。故常朝必過之。近世講家並從此說。萬充宗獨以位爲治朝。其說曰。曲禮天子當宁而立。諸公東面。諸侯西面曰朝。爾雅門屏之間謂之宁。夫天子外屏。屏在路門之外。而治朝卽路門之外。知治朝卽當宁之朝。在周官則司上所掌是也。其位王南向。三公北面。東上。孤東。

面北上。卿大夫西面北上。是王在路門外當宁而立。諸侯在庭而見。故師氏司王朝。亦居路門之左也。然則治朝別無堂矣。就魯而言。公門則庫雉路也。位卽屏間之宁。人君日視朝。宁立之處。路門外之治朝也。愚按此在何義門亦嘗疑之。曰諸侯治朝在路門外。雉門內。而屏在路門之內。若過門屏之間。則入燕朝。義門本主升堂。爲治朝。直疑此註爲誤耳。任鈞臺曲爲之說。曰按覲禮諸侯入廟門右。出自屏南。適門西。遂入門左。是廟門外有屏。則天子外朝外有屏。而諸侯外朝內有屏。在治朝。

外雉門內未可知也。然外朝有屏。經無明據。則門屏之位當是治朝充宗之說不誣矣。

升堂

舊說以升堂爲治朝。萬充宗曰。治朝卽當宁之位。別無堂。升堂路寢內朝之堂也。若宁有明堂。則孔子入門之後當卽升堂。今乃入門而過位。過位而後升堂。則知當宁之位無堂。而攝齊升堂。乃路寢之堂也。江慎修曰。古人宮室之制。堂必築土崇高。宗廟與居寢皆有之。有堂卽有階。攝齊升堂。謂路寢內朝儀禮士相見篇。君在堂。

升見無方階。燕禮公升卽席。檀弓杜賁入寢。歷階而升。是也。若路門外之治朝。與庫門外詢事之朝。皆平地爲庭。無堂無階。故聘禮使者受命於朝。周官司士掌治朝之儀。朝士掌外朝之位。皆無升階之文。又以他事証之。人君出入乘車。登車於路寢西階之前。下車於阼階之前。見春官樂師鄭註。註本之尙書大傳。蓋治朝與外朝皆無堂階。故可乘車出入。使有堂階。則九等七等之級。車馬焉能升降乎。說者泥於燕朝與宗人圖嘉事之云。謂異姓之臣不得入。不知儀禮燕禮篇。諸侯燕羣臣於

寢不辨同姓異姓。卽論語侍食於君。儒行哀公命席。此等皆孔子在燕朝事。若治朝則君臣皆立而不坐。亦非飲食之所也。愚按昭二十六年傳。齊侯與晏子坐於路寢。路寢卽燕朝。則異姓之臣亦得入其明徵。已檀弓朝不坐。燕不與。疏云。朝與燕皆在寢。若路門以外正朝。則大夫以下皆立。若燕朝在於路寢。則大夫坐於上。如孔子攝齊升堂是也。是升堂之爲燕朝。先儒固已言之足徵。江說之駁。

復其位

書正義曰。此位在君虛位下。卽所謂三槐九棘者是。是指外朝之班位也。義門何氏曰。周禮匠人內有九室。九嬪居之外。有九室。九卿朝焉。鄭註。外路門之表也。九室。如今朝堂諸曹治事處。則九室列在治朝之堂下。復位當卽在是。又司士掌朝儀之位。其下云。王入內朝。皆退。鄭註。反其官府治處也。其文不繫朝士所掌之下。而繫於司士。則非退而遠之外朝明矣。宰夫之職。掌治朝之法。以正王及三公六卿大夫羣吏之位。可參考也。愚按。以位爲外朝之位。固非。何氏謂在治朝之堂下。亦未

是此位。乃燕朝堂下之位耳。曲禮下卿位。鄭註卿位。卿之朝位。孔疏卿位。路門之內。門東北面位也。夫位在路門之內。非燕朝之堂下乎。何氏亦泥於升堂是治朝之說。故云位在治朝之堂下耳。

執圭

圭有朝覲之圭。典瑞公執桓圭。侯執信圭。伯執躬圭。子執穀璧。男執蒲璧。以朝覲宗遇會同於王是也。有頍聘之圭。典瑞琢圭璋以頍聘是也。儀禮聘禮記所以朝天圭與繅皆九寸。問諸侯朱綠繅八寸。考工記玉人瑑

圭璋八寸。以頌聘。是瑑圭之長。降命圭一等也。臣出聘。但用瑑圭。而邢叔明論語疏。乃以大宗伯之六瑞當之。誤矣。註云命圭。亦沿賈疏之失。

紺緇

集解孔註云。一入曰緇。邢疏已辨其非。而邢以紺爲元色。緇爲淺絳色。則亦非是。按爾雅。一染爲緇。再染爲緇。三染爲緇。以緇入黑。則爲紺。是紺爲四入之色。說文所謂深青揚赤者也。紺又入黑。則爲緇。是緇爲五入之色。又黑於紺矣。緇又入黑。爲元。元又入黑。爲緇。則純乎黑。

矣。齊服元冠元端不用紺。練服纁緣不用緇。註以紺爲齊服。緇爲練服。皆因孔註而誤。紺緇既非齊服練服。則不以爲飾何也。陳壽翁曰。紺緇似赤非赤。其色不正。四書典林主此。謂紺緇皆赤黑之間色。君子不以爲飾者。謂其非正色也。愚按。紺緇並非不正之色。考工記鍾氏註。緇今俗禮文作爵。言如爵頭色也。儀禮士冠禮。爵弁註。其色赤而微黑。或謂之緇。據此。則爵弁之色卽緇也。緇既可用以爲弁。獨不可用以爲飾乎。且紅爲赤之間色。紫爲黑之間色。而又以紺緇爲赤黑之間色。不與

紅紫混乎。考深衣篇云。具父母大父母。衣純以纁。具父母。衣純以青。如孤子。衣純以素。純卽緣也。尊者俱存。則多飾。而以纁。纁畫文也。尊者不俱存。則飾少。而以青。俱亡。則無飾。而以素。紺緇非纁。又非青。素於盡。飾無飾之義。兩無所取。故不用。以經証經。此解似不可易。而前人竟未有及之者。

紅紫

間色不正。是此節正義。六書故云。紅紫色之艷者。故不爲褻服。此卽註中。近於婦女服之意。但以爲非間色。則

謬矣。郝京山曰：儀禮既夕記明衣裳縗緇。緇一染謂之縗。今紅也。送死褻服用紅。古今皆然。論語不以紅爲褻服。嫌襲也。此說不可從。

緇衣羔裘

緇衣羔裘。諸侯與臣視朝之服。大夫士助祭於君亦服之。而邢疏及孔氏詩疏並專指朝服言。孔云羔裘裼用緇衣。其上正服亦緇色。以十五升緇布爲衣又與元冠相配。明是

朝服可知。愚按朝服與祭服本不異。但朝裳用布而色素。祭裳用絲而色縗。其裳各別耳。疏家專指朝服。蓋舉

其常用者言之。不爲疎漏。

素衣麕裘

素衣麕裘。天子之士諸侯之士在天子之朝所服也。

大卿

夫以上得衣狐白

諸侯及其臣在國視朔受聘之所服也。

邢疏專指

聘服此見王藻孔疏

其上則皆服皮弁服也。玉藻云麕裘青豸褱。

絞衣以裼之。據鄭氏儀禮註則麕裘之裼或絞或素無

一定。熊氏云臣用絞。君用素。皇氏云素衣爲正。記者亂

言絞耳。陳氏禮書云絞衣素衣也。鄭氏以絞衣爲蒼黃

之色。其說無據。愚按皮弁以白鹿皮爲冠。其衣用白布。

其裳素積。稱此而襦則素衣爲宜。若如鄭氏之說。何他。裘之襦皆有定。而麤裘獨無定耶。熊氏謂君臣異襦。則孔子大夫也。而何以素衣耶。禮書謂絞衣卽素衣。此說得之。

黃衣狐裘

郊特牲。皮弁素服而祭。素服以送終也。葛帶榛杖。喪殺也。黃衣黃冠而祭。息田夫也。野夫黃冠。黃冠草服也。先儒謂蜡以息物。臘以息民。蜡用皮弁素服。臘用黃衣黃冠。郝京山曰。皮弁素服。天子諸侯蜡祭之服。黃衣黃冠。

民間蜡祭之服。此說不分蜡臘。與先儒異。按此記上下
文俱詳言蜡事。並不及臘。雜記子貢觀蜡。子曰百日之
蜡。一日之澤。卽息田夫也。先儒以蜡爲息物。臘爲息民。
蓋據月令孟冬臘先祖五祀。勞農以休息之之文。以解
此記。亦意爲牽合耳。萬充宗曰。臘祭在周爲蜡祭。郊特
牲載八蜡。不及先祖五祀。月令是秦國所行之禮。且是
月旣烝。則已祭先祖。五祀已分祀於四時。此復臘之。不
病數乎。臘爲秦祭。而左傳云。虞不臘者。周以亥月爲臘。
月是月索饗萬物。則名蜡祭官之奇之言。謂不及臘月。

非謂不及臘祭也。秦則臘月卽名臘祭。其所祭之神亦異。獨勞農休息則同於周耳。按此雖無他左証。然郊特牲言蜡而不言臘。月令言臘而不言蜡。則一爲周制。一爲秦制。其說似屬可從。當與註疏並存之。

裼襲之說不同

孔穎達曰。凡衣近體有袍澤之屬。其外有裘。夏則衣葛。其上有裼衣。裼衣上有襲衣。襲衣上有常著之服。則皮弁服之屬也。掩而不開謂之襲。若開此皮弁服及中衣。左袒。出其裼衣。謂之裼。賈公彥曰。凡服四時不同。冬。裼。

身神衫。又有襦袴。襦之上有裘。裘有裼衣。裼衣之上。又有上服。皮弁祭服之等。見裼衣者。謂袒衿前上服見裼衣也。愚按如孔氏之說。則裘上外服尙有三重。裼衣一重也。襲衣一重也。正服一重也。如賈氏之說。則少一重。襲衣疑賈得之。蓋皮弁祭服皆直領。領之內有左右二衽。各屈其衽於內。則露裼衣爲見美。衽左右交。則不見裼衣爲充美耳。陸稼書讀禮志疑云。露裼衣者。想或去而露之。或袒而露之。或直其領而露之。其制原不一。愚按去而露之者。無事之裼。袒而露之者。袒裼之裼。直其

領而露之者。行禮時。褻襲之。褻三者不容無辨。何義
門讀書記云。褻與襲卽是一衣。袒而不盡覆其裘。則謂
之褻。盡覆而不使裘見於外。則謂之襲。襲者藏也。非重
也。愚按何氏謂褻襲卽是一衣。甚當。以見裘不見裘爲
褻襲之分。此則有誤。玉藻鄭註云。君衣狐白毛之裘。則
以素錦爲衣覆之。使可褻也。袒而有衣曰褻。必覆之者。
裘褻也。然則褻衣本以覆裘。而反以見裘爲褻。可乎。玉
藻見美充美。註疏及諸家。並以見褻衣之美爲見美。覆
蓋褻衣之美爲充美。美指褻衣言。不指裘言。何氏之說。

非是。萬充宗儀禮商云玉藻裘之裼也見美也服之襲也充美也。夫子裼曰裘之裼裼在裘外也。于襲曰服之襲襲在裼外也。按此說亦非裼與裘同色如露緇衣則知是羔裘露素衣則知是麕裘故曰裘之裼襲則但見上服而已。故曰服之襲非裼外另有襲衣也。

寢衣

孔註寢衣今之被也。說文被寢衣名。愚按孔說可從。蓋此條是因長短而類記之。襲裘既長而右袂獨短被又特長至一身有半。皆孔子之獨異其製者。故知非錯簡。

也。程子以此簡當在齊。必有明衣布之下。而集註從之。
毛大可曰。考禮並無齊衣之文。亦並無寢衣一名。在祭
典內。古衣被二字本同義。當從孔註。其說是已。而齊之
用被。未有明証。愚按葛生詩。毛傳云。齊則角枕錦衾。衾
卽被也。齊設錦衾。則不必別有寢衣。而寢衣之爲被。無
疑矣。

深衣 註

深衣之裳。舊說謂以布六幅斜裁爲十二幅。三分之一
皆在上。三分之二皆在下。要狹齊濶殺。謂要殺於齊一

半也。萬充宗曰。用布六幅。解爲十二片。四片屬於後衣。四片屬於前衣。四片屬於兩衽。皆縫合之。但裳布半是正裁。半是斜裁。三幅正裁。每片兩頭並濶一尺一寸。去殺縫二寸。淨得九寸。三幅斜裁。每片一頭狹得五寸。一頭濶得一尺七寸。去殺縫二寸。淨得狹頭三寸。濶頭一尺五寸。取斜裁之一片。合正裁之一片。狹頭在要爲一尺二寸。濶頭在齊爲二尺四寸。正裁屬向中。斜裁屬向邊。左右合之。要得二尺四寸。齊得四尺八寸。三之。要總得七尺二寸。齊總得一丈四尺四寸。是謂齊倍要。江慎

修曰。裳十二幅。中前後八幅。是正裁。兩旁四幅。是斜裁。斜裁者。名衽。與朝祭喪服垂下揜裳際之衽同名。但彼是屬於衣而垂之。此是屬於裳而縫之以合前後也。愚按。深衣法服。斷無裳幅皆欹邪不正之理。玉藻云。衽當旁。鄭註。衽謂裳幅所交裂也。玩一所字。則裳幅惟在旁。名衽者。用交裂其餘在中者。皆用正幅。可知舊說非是。萬氏謂三幅正裁。三幅斜裁。江氏謂前後八幅正裁。兩旁四幅斜裁。二說皆通。而江說尤確。此不易之論矣。吉月必朝服而朝。

孔註朝服皮弁服。邢疏皮弁服與君視朔之服也。魯自
文公不行視朔之禮。孔子恐其禮廢。故每於月朔必衣
此視朔之服而朝於君。所謂我愛其禮也。愚按視朔服
皮弁。朝服緇衣素裳。經但云朝服。而孔註以爲皮弁服
者。以吉月是月朔當服皮弁也。月朔當服皮弁而視朔
已廢。或不必服皮弁。而孔子必具視朔之服。以徃。故曰
必朝服也。以玉藻所載孔子朝服而朝。卒朔然後服之
之語。忝看益徵註疏之確。

明衣

四書考引儀禮士喪禮之明衣。按士喪禮明衣裳布。是爲死者而設。故前後裳不辟而長及鰕。豈齊服而可服此乎。惟其爲親身之衣。則同耳。何以知之。按玉藻云。衣布晞身。輔慶源曰。衣布如今之浴衫。古所謂明衣也。此註云。浴竟卽着明衣。故知爲親身之衣也。其外有元端服。周禮司服。齊服有元端。郊特牲云。齊之元也。以陰幽思也。是明衣之外。又有元端服也。若札荒有所禱請。則齊用素端。

變食

朱竹垞曰。今人多以茹蔬不肉食爲齊。考之古不爾也。周禮膳夫掌王之食飲膳羞。王日一舉。王齊日三舉。殺牲盛饌。日舉。蓋周制。王日食供一太牢。遇朔加日食一等。當兩太牢而散齊。致齊必變食。故郊牲體至三太牢。是齊日仍肉食。反有加矣。論語齊必變食。以下至不多食。邢疏云。此以上皆蒙齊文。凡言不食者。皆爲不利人齊。必嚴敬食之。或致困病。故不食。其凡常不必然。而孔子惟酒無量。則齊日并酒亦飲之矣。不飲酒。不如輩。出莊子文。似未足據。愚按說文。輩。臭菜也。通謂芸臺椿。

蕝。蒜。蔥。之。屬。其。氣。不。潔。故。不。茹。之。原。非。不。食。肉。之。謂。國。
語。先。耕。耨。三。日。王。卽。齊。宮。乃。淳。濯。饗。醴。註。謂。王。沐。浴。飲。醴。酒。及。期。
饗。醴。乃。行。是。齊。亦。非。不。飲。酒。朱。子。此。註。雖。引。莊。子。文。而。
於。家。禮。則。云。食。肉。不。得。茹。葷。飲。酒。不。得。致。亂。仍。未。嘗。以。
莊。子。爲。據。也。

割不正

割。不。正。邢。疏。謂。解。牲。體。脊。脅。臂。臠。之。屬。禮。有。正。數。若。解。
割。不。得。其。正。則。不。食。毛。大。可。據。此。以。晉。集。註。愚。按。少。牢。
禮。吾。皆。切。本。末。鄭。註。凡。割。本。末。食。必。正。也。賈。疏。引。孔。子。

割。不。正。不。食。證。之。此。解。與。集。註。同。毛。氏。謂。割。與。切。異。正。亦。不。作。方。解。未。之。考。耳。

不得其醬

內。則。濡。雞。醢。醬。濡。魚。卵。醬。濡。鱉。醢。醬。疏。謂。烹。煮。之。時。以。其。汁。調。和。也。魚。膾。芥。醬。麋。腥。醢。醬。疏。謂。相。配。而。食。也。一。係。烹。時。所。加。之。醬。一。係。食。時。所。用。之。醬。此。不。得。指。食。時。所。用。者。言。古。註。云。魚。膾。非。芥。醬。不。食。朱。子。云。其。醬。如。魚。膾。芥。醬。之。類。又。文。集。云。如。魚。膾。不。得。芥。醬。麋。腥。不。得。醢。醬。則。不。食。獨。舉。二。者。是。以。配。食。言。也。儀。禮。公。食。大。夫。鼎。

俎既入。宰夫自東房授醢醬。公設之。註云。以其爲饌本也。可見配食之醬。禮所最重。烹調時不得乃失。任內事。此只指當食言。

沽酒

詩無酒醑我。毛傳謂一宿酒曰醑。鄭康成訓醑爲權醑之醑。朱子云。沽市皆買也。蓋從鄭註。聽雨紀談云。三代無沽酒者。至漢方有權醑。則沽酒似以一宿酒爲是。愚按酒誥戒羣飲。周禮司疏禁市飲。飲而於市。則有沽酒明矣。漢書食貨志。孔子當周衰亂。酒沽在民。薄惡不誠。

是以疑而弗食。註中不精潔傷人之說本此。

市脯

曲禮脯曰尹祭。鄭註尹正也。孔疏正謂自作之也。脯自作則知肉之所用也。論語市脯不食言其不正也。邢叔明此疏亦云脯不自作不知何物之肉故不食。此與朱註小異。然不知何物之肉亦正恐其不精潔非有二義也。

蔬食

蔬食有三說。集註云麤飯一也。孔註云菜食。

疏蔬古二通用

也。月令鄭註云：草木之實爲蔬食。三也。何燕泉主孔說。謂蔬食乃乏米以蔬充食。引東觀漢記：趙孝常蔬食。而以穀食陰讓弟爲証。愚按此蔬食對下菜羹。自是麤飯。若述而篇之飯蔬食。或可如孔說耳。

席不正不坐

邢疏云：凡爲席之禮。天子之席五重。諸侯之席三重。大夫再重。席南鄉。北鄉以西方爲上。東鄉西鄉以南方爲上。如此之類。是禮之正。葉少蘊曰：席南鄉。北鄉以西方爲上。此以方爲正者也。有憂者側席而坐。有喪者專席。

而坐此以事爲正者也。此解正字與集註不同。以下正席先嘗例之。註說爲是。

鄉人飲酒

鄉飲酒之禮有四。一則鄉大夫賓賢能。二則鄉大夫士飲國中賢者。三則州長習射。四則黨正蜡祭。皆謂之鄉飲酒。鄉則三年一飲。鄉大夫爲主人。州則一年春秋再飲。州長爲主人。黨則一年十二月一飲。黨正爲主人。呂與叔謂鄉人凡有會聚。皆當行此禮。恐不止四事。隨引論語此經証之。而朱氏載增。謂鄉黨篇鄉人飲酒。不拘

何時亦不拘幾次。則與鄉飲酒禮異矣。然自有鄉人飲酒之法。文輯方氏曰。按地官族師。春秋祭酺。鄭註。族長無飲酒之禮。因祭酺而與其民以長幼相獻酬焉。賈公彥釋云。州長黨正有飲酒禮。皆得官物爲之。今此族甲不得官物爲禮。又天官酒正有爲公酒者。註謂鄉射飲酒以公事作酒者。賈釋云。鄉射飲酒數事皆爲國行禮。不可斂民。故得公酒。其百家爲族。不得公酒。族祭步神之時。合錢飲酒。據此。則飲酺非爲國行禮。正此經所謂鄉人飲酒也。族飲而謂之鄉。蓋鄉之屬也。詩。瓠葉鄭箋。

云君子有酒此君子謂庶人之有賢行者其農功畢乃
爲酒漿以合朋友。習禮講道藝也。原文無此數語今增入又云每
酌言言者禮不下庶人庶人依土禮立賓主爲酌名正
義言我也其意云酌酒我當用之若是禮合當然不應
每事言我據此則亦非尊賢養老正飲酒之禮此條援
据甚駁可作此經義疏

鄉人饅

孔註邢疏俱不言饅在何時鄭康成註云十二月命方
相氏索室中驅疫鬼則此饅乃季冬大饅也月令孔疏

云季春惟國難。仲秋惟天子難。季冬之難。則下及庶人。故云大難。皇侃以季春國難。下及於民。以季冬大難。爲不及民。與鄭氏異。孔疏已辨之。

廋焚

雜記家語。皆載此事。據雜記。則是孔子家廋。陸氏釋文。邢氏正義。並云家廋。王弼據家語。謂是公廋。吳氏云。公廋。則馬當問路。馬則又重矣。愚按釋文。以傷人乎。不絕句。問馬。又句。固非。竟不問馬也。但旣云子退朝。則當是家廋耳。

先飯

禮君賜之食而君客之。則命之祭。然後祭。先飯。辯嘗羞。飲而俟。若君但賜之食而不客之。則膳宰自嘗羞。俟君之食。然後食。惟飯飲而俟。不先飯。夫子本僅侍食。不爲君所客。而猶先飯者。是於常禮有加。謹舊說如是。按玉藻所載。雖有君客之與不客之之異。然考儀禮註疏。則皆是小小禮食。若正禮食。則賓每食必祭。無待命者。公食大夫是也。路史以君祭先飯爲句。飯讀去聲。云祭乎其始飯者。如將田祭貉將射祭。侯之類。其解玉藻亦

同如此則與侍食不相應。謬誤無疑。

東首

喪大記孔疏云。病者寢東首於北牖下。是恒在北牖下也。若君不視之時。則不恒東首。隨病者所宜。若君來視之時。則暫時移向南牖下東首。令君得南向而視之。毛大可云。古室制尊西。君入室必西。負東向首之東。亦以示面君意也。此於東首二字。似尤有意義。當與疏說並存之。

負版

葉少蘊云、喪服有負版。翟公異謂式負版者、非版簪之版、乃喪服之版。愚按、上既有凶服者、式之何得又以負版爲喪服。公異之說甚謬。不解石林何以取之。

變色而作

孔註、敬主人之親饋。朱註、敬主人之禮。愚按、所謂禮、卽主人親饋之禮也。蓋饌不爲己設、則主人不親饋。曲禮侍食於長者、主人不親饋、則不拜而食。又云、御同於長者。雖貳不辭、偶坐不辭、是也。亦有失禮而不親饋者。王藻、孔子食於季氏、不辭、不食肉而飡。以季氏進食不合

禮是也。坊記云：君子不以非廢禮，不以美沒禮。故食禮，主人親饋則拜而食，主人不親饋則不拜而食。此盛饌爲已設，而主人親饋，故改容而起，以辭謝之。若指盛饌爲禮，則仍是以其饌矣。

山梁

釋文載鄭康成云：孔子山行，見雉食梁粟，不知其梁字作何解。邢疏以梁爲橋，何義門曰：今口外猶呼高嶺爲梁。此古語之流傳者。叔明之說疑非。愚曩時辨之云：山梁當是山溪水流之處，而爲梁以渡者。邢疏不誤。呼嶺

爲梁。或北人語音相似。蓋嶺本有平聲。王褒九懷嶺與
旌叶。韓愈田氏廟碑嶺與兵叶是也。古八庚多通七陽。
魯頌衡羹與將房爲韻是也。嶺之呼梁。殆卽此類。豈真
以嶺爲梁哉。後讀孟子可使高于岑樓。趙註岑樓山之
銳嶺者。因悟岑樓非屋山梁亦非橋梁與樓以擬山嶺
之形。因以呼之。蓋古語如是。始信義門之說非妄。